

PANTULONG SA PAGPLANO NG PAGSAMBÁ

2 Linggó ng Pagdating - B

2017-12-10

Leksyonaryo Bilang 5

MAAARING AWIT SA PAGTITIPON

Balang Araw

Bayan, Magsiawit na!

Halina, Hesús, Aming Mananakóp

Halina, D'yos Mesias (O Come, Divine Messiah)

Halina, Hesús | Rene Javellana SJ at E.P. Hontiveros SJ

PANGINOÓN, KAAWAÁN MO KAMÍ.

LITÚRHIYA NG SALITÁ

UNANG PAGBASA..... Propeta Isaias 40:1-5, 9-11

Pagpapahayág mula sa Aklát ni Propeta Isaias

Aliwin ninyo ang aking bayan,
sabi ng Diyós.

Aliwin ninyo silá.

Inyong ibalita sa bayang Jerusalem,
na hinango ko na silá sa pagkaalipin;

pagkát nagbayad na silá nang ibayo sa pagkakasalang ginawa sa akin.

May tinig na sumisigaw: Ipaghanda ang Panginoón ng daán sa iláng;
isang patag at matuwid na lansangan para sa ating Diyós.

Tambakan ang mga lambák,
patagin ang mga burol at bundok at pantayin ang mga baku-bakong daán.
Mahahayág ang kaningningan ng Panginoón at makikita ng lahát.
Siyá mismo ang nagsabi nito.

At ikáw, O Jerusalem,
mabuting balita ay iyong ihayág;
ikáw, Sion,
umakyát ka sa tuktok ng bundok.
Ikáw ay sumigaw,
huwág kang masisindák.

Sabihin sa Juda,

“Narito ang iyong Diyós!”

“Dumarating ang Panginoóng Makapangyarihan tagláy ang gantimpala sa mga hinirang;
at tulad ng pastól,

yaong kawan niyá ay kakalingain,
sa sariling bisig yaong mga tupay kaniyang titipunin;
sa kaniyang kandungan ay pagyayamanin,
at papatnubayan ang tupang may supling.

Magandang Balitá Biblia © 1980 Philippine Bible Society

TUGÓN SA SALMO

Pag-ibig mo'y ipakita, iligtas kami sa dusa!

Salmo 85:8

Vic Romero

♩ = c. 90 E m A m

Pag - i - big mo'y i - pa - ki - ta, i - lig -

tas ka - mi sa du - - - sa.

Ang salin sa Tagalog ng Tugón sa Salmo mulâ sa *Ang Pagpapahayág ng Salitâ ng Diyos*
 © 2006 Panayám ng mga Katólikong Obispo sa Pilipinas,
 Lupon Rehiyonál ukol sa Tagalog sa Litúrhíyá.
 Tugtugin © 2014-2017 Vic Eclar Romero. magsimba.com. All rights reserved.

SALMO: Awit 085:9-10, 11-12, 13-14

Aking naririnig magmula sa Poon ang sinasalita;
 sinasabi niyáng ang mga lingkod n'ya'y magiging payapa,
 kung mangagsisisi at di na babalik sa gawang masama.
 Ang nagpaparangal sa pangalan niyá'y kaniyang ililigtas,
 sa ating lupain ay mananatili ang kaniyang paglingap.

Ang pagtatapatan at pag-iibiga'y magdadaup-palad,
 ang kapayapaan at ang katwira'y magsasamang ganap.
 Sa balat ng lupa'y pawang maghahari yaong pagtatapat,
 at ang katarungan nama'y maghahari mula sa itaas.

Gagawing maunlad ng Panginoóng Diyós itong ating buhay,
 ang mga halaman sa ating lupai'y bubungang mainam;
 sa harapan niyá yaong maghahari'y pawang katarungan,
 magiging payapa't susunod ang madla sa kaniyang daan.

IKALAWÁNG PAGBASA 2 Sulat ni Pedro 3:8-14

Pagpapahayag mula sa Ikalawang Sulat ni Apostol San Pedro

Huwag ninyong kalilimutan ito,
 mga pinakamamahal: Sa Panginoón,
 ang isang araw ay sanlibong taon,
 at ang sanlibong taon ay isang araw lamang.

Ang Panginoón ay hindi nagpapabaya sa kaniyang pangako

tulad ng inaakala ng ilan.

Hindi pa niya tinutupad ang pangakong iyon alang-alang sa inyo.

Binibigyan niya ng pagkakataon ang lahat na makapagsisi at magbalik-loob sa Diyós, sapagkat hindi niya nais na kayóy mapahamak.

Ngunit ang Araw ng Panginoón ay darating

na tulad ng isang magnanakaw.

Sa araw na yaon,

ang kalangitan ay biglang mapaparam na may nakapangingilabot na ugong.

Matutupok ang araw, buwan, at mga bituin,

at ang lahat sa lupa ay malalantad.

Yamang ganito ang magiging wakas ng lahat ng bagay,

italaga na ninyo sa kaniyá a ng inyong sarili at mamu hay nang ayon sa kaniyáng kalooban samantalang hinihintay ninyo ang Araw ng Diyós.

Magsikap kayóng mabuti

upang madali ang pagdating ng Araw na iyon,

araw ng pagka tupok ng kalangitan at pagkatunaw sa matinding init ng mga bagay na naroon.

Ngunit ayon sa pangako ng Diyós,

naghihintay tayo ng mga bagong langit at ng bagong lupa na pinaghaharian ng katarungan.

Kaya nga, mga minamahal,

samantalang kayóy naghihintay,

sikapin ninyong mamuhay na payapa,

walang dungis at kapintasan.

PAMBUNGAD SA MABUTING BALITÀ

Daan ng Poong nar'yan na, t'wiri't ihanda sa kaniyá. Pagtubos n'ya'y makikita.

MABUTING BALITÀ..... Marcos 1:1-8

Ang Mabuting Balita ng Panginoón ayon kay San Marcos

Itó ang Mabuting Balita tungkól kay Hesukristo na Anák ng Diyós.

Nagsimula itó noóng matupád ang hula ni Propeta Isaias:

Narito ang sugo ko na aking ipadadaláng mauuna sa iyó,

ihahanda niyá ang iyóng daraanan.

Itó ang sabi ng isang sumisigáw sa iláng:

“Ihanda ninyó ang daraanan ng Panginoón,

tuwirin ninyó ang kaniyáng mga landás!”

At dumating nga sa iláng si Juan,

nagbibinyág at nangangaral.

Sinabi niyá sa mga tao,

"Pagsisihan ninyó't talikdán ang inyóng mga kasalanan,

at pabinyág kayó upang kayóy patawarin ng Diyós."

Halos lahat ng tagá-Judea at tagá-Jerusalem ay pumunta kay Juan upang makinig.

Ipinahayág nila ang kaniláng mga kasalanan

at silá'y bininyagán niyá sa Ilog Jordan.

Hinabing balahibo ng kamelyo ang damit ni Juan

at balat ang kaniyáng pamigkis.

Ang kaniyá namáng pagkai'y balang at pulut-pukyutan.

Lagi niyáng sinasabi sa kaniyáng pangangaral,

Darating na kasunód ko ang isáng makapangyarihan kaysá akin:
ni hindi akó karapat-dapat magkalág ng tali ng kaniyang mga panyapak.
Binibinyagán ko kayó sa tubig,
ngunit bibinyagán niyá kayó sa Espiritu Santo.

HOMILYA

PAGPAPAHAYÁG NG PANANÁMPALATAYÀ

PANALANGIN NG BAYAN

- .. a. Para sa Simbahan, ang Bayan ng Diyós
- .. b. Para sa mga Kinaúukulan
- .. c. Para sa Nangángailangan, Naghihirap, Maysakit at Yumao
- .. d. Para sa mga Dumaló sa Misa Dito at Ngayón

LITÚRHIYÁ NG EUKARISTIYA

MAAARING AWIT SA PAG-AALAY

Pag-aalay ng Puso (Minsan Lamang)
Panginoón, Hanggang Kailan? | Danny Isidro SJ; Fruto Ramirez SJ
Unang Alay
Linikha Mo'ng mga Bituin (Conditor Alme Siderum)

SANTO, SANTO, SANTO

PAGBUBUNYÍNG PANG-ALAALA

DAKILANG AMEN

PANALANGIN NG PANGINOÓN

KORDERO NG DIYÓS

MAAARING AWIT SA PAKIKINABANG

Panginoón, Masdan Mo
Hiram sa Diyos
Awit (Salmo) 027: Panginoón, Aking Tanglaw
Awit (Salmo) 027
Tubig ng Buhay

MAAARING AWIT SA PAGHAYÒ

Tanda ng Kaharian ng Diyós
Awit (Salmo) 067
Halina, D'yos Mesias (O Come, Divine Messiah)
Balang Araw | Silvino Borres Jr SJ at M.V. Francisco SJ
Halina, Hesús | Rene Javellana SJ at E.P. Hontiveros SJ

Sa mga sulat-tugtugin, ang « ng » ay isinusulat na « nang » at ang « mga » ay « manga ».
Palitán ang « Yahweh » ng « Poón »; ang « si Yahweh » ng « ang Poón ».

r

Nagpapasalamat sa mga mungkahing awitin
sa Lupon ukol sa Litúrhiya sa Tagalog.